

# PYRINE

SIVE

DE FEBRIS

NATURA

DIALOGVS.

AVTHORE

IOANNE STEPHANO

IATROPHYSICO VENETO.



VENETIIS, MDCXXXIX.

Apud Hæredes Ioannis de Salis.

*Superiorum permissu.*

PRINTED

IN

THE

UNIVERSITY

OF

OXFORD

BY

J. B. ROBERTS



NEW EDITION, 1800

Printed by J. B. Roberts

at the University Press

PRÆCLARISSIMO  
ADRIACAE VRBIS  
EX ARCHIATRO  
HIERONYMO THEBALDO.

*Ioannes Stephanus felicitatem perennem  
Precatur.*



OMO ob materiæ necessita-  
tem, cui perpetuò comes it  
priuatio, quæ constantibus  
perniciem machinatur, mul-  
tigenis ægritudinum formis  
obnoxius esse videtur, nulla  
verò molestior, aut frequentior febre: Frequen-  
tiæ ea est potissimum causa, quòd homo cæteris  
Animantibus calidior (hoc enim arguit recta sta-  
tura) propter ingluuiem, viuendique intempe-  
rantiam cruditatibus, ac putredinibus perquam  
opportunitus euadit, qua causa, inquit Aphrodi-  
seus, Hominum fœces, quàm Brutorum, peius  
olent: Molestiæ verò ea est ratio, quòd feb. præ-  
cipuam animæ sedem, vitæque principium, nem-  
pe cor, atque ad eò totum corpus exerceat.  
Quamobrem eò Medentis consilium dirigi de-  
bet, eò conatus omnes intendendi, vt vel infre-  
quentius accadat, vel mitius lacessat. Qui autem  
assequi hoc possis, ni morbi genus, efficientesque  
causas,

causas, & partem maximè affectam ad vnguem dignoris? Scitum est illud,

*Non intellecti nulla est curatio Morbi.*

Cum verò facilius sit curare, quàm dignoscere morbos, vt Dictator Hipp. testatur, operæpretium esse duxi, abditam febris naturam summotis difficultatum salebris ita explanare, & prodere, vt nihil supersit dubium. Hoc verò Encheridion non sesamo, aut papauere respersum, sed difficultatum momentis refertum tibi, Thebalde Venerorum Medicorum iubar, dicatum volumus, tum vt fonticus; & iuratus humanæ ceruicis hostis habeat suum Antagonistam, & Alexicacum, tum maximè vt meæ erga te obseruantia specimen extet; diu enim inclytas virtutes tuas colo; Ecquis enim, per immortalem Deum, te in ferendis prognosticis fatidicum, in curandis morbis οὐδὲν h.e. salutariferum non suspicit? Norunt Cæsares maximi, quanti sis faciendus. Equidem quoties tecum aut de medendi methodo, aut de Philosophiæ arcânis disputationem iniui, toties me in admirationem dicendo, & docendo rapuisti. Nunc igitur tua libenti animo agnoscas, & me tui obseruantissimum diligas. Vale Asclepiadarum decus.

P T P I N E  
S I V E D E F E B R I S  
N A T V R A  
D I A L O G V S.

Philiiater. Pyrimacus. Eudæmon.



**P**HIL. Ni me fallunt oculi alioquin satis perspicaces, atratum conspicio Pyrimacum, & insolenti ægrimonia obstitum; Me miserum ipse est. Pyrimace, quid hoc est rei? Aut quæ te fata laceſcunt? PYR. Quæſo te, vt ne mihi recens hoc vlcus refrices, aut potiùs ne commoueas hanc Anagyrim. PHIL. Quid? PYR. Vis dicam? E viuis deceſſit Tymbræus noſter, quem in oculis ſerebam. PHIL. Petijt? PYR. Quinimò ad Eliſios Campos iam perueniſſe in animum induco. PHIL. O inauſpicatum nuncium. At verò domi? PYR. Parentes vix ſibi conſtant, ædes repleta querimonijs reſonant, vt vel Myſantropo lachrymas exprimant. Medici ingratiâ cauſantur, quòd ignoto malo pharmaca adhibuerit. PHIL. Hæc eſt medentium merces præcipua, vt, vbi multam in ægrotos operam impenderis, ſi quid humanitùs accidat, aut de medio tollatur laborans, calumnijs, & maledictis actutum inceſſant, cum potiùs in morbi perniciem, aut ægrotantis intemperantiam cauſa reiſci debeat. Cæterùm vetus hæc eſt calumnia, quam Hipp. indignè ferens Democrito reſcripſit, ſe plus ignominia, quàm nominis mendendo cõmparaſſe, expoſtulans. Sed quænam fuſtulit Adoleſcentem ægritudo? PYR. Febris, eaque malignis moribus prædita, nam videbatur ſibi benè habere, & inter ſandum deſecit. PHIL. Quam frequẽs viſitur cum in moribus, tum in morbis malignitas, quam vbi detexeris, vix euadas; ſerpit enim, & cuniculos ſibi per occultâ parat. Verùm illud maximè ſubit mirari, quòd, cum nihil peræquè humanam exerceat naturam, ac febris (eſt enim cæteris morbis moleſtior vel Gal. teſte) tam pauci nihilominus veritatis inquirendæ ſtudio teneantur. PYR. In Philoſophiæ ſtudio nihil, ita viuam, me adeò ſollicitum habuit, vt iactata hæc quæſtio, quum vltrò, citròque tam diſcrepantia crepent. Quòd ſi gratiſſimum ſacere cupis, non pigebit te, hanc diſputationem mecum ordiri, & rationum momenta conferre, vt ex hac litteraria concertatione, velut ex mutuo attritu, veritatis ſplendor aſſulgeat. Id quod

8. Meth.

A

per

per te fieri posse maximè confido, qui solertia plurimum præcelles, & diurna, nocturnaque manu cum Arabum, tum Græcorum volumina tractasti. PHIL. Non sum ad eò Suffenus, ut mihi tantum sumam, faciam tamen (si conatus non sunt tibi vsque quaque despectui) ut te non pœniteat mei. Sed ecce tibi Eudæmonem nostrum. Is in Philosophiæ, & Medicinæ arcibus totus vsque fuit, ut nemo sit hac tempestate, qui viro doctrinâ, aut rerum experientia præster. Ille vel abstrusissimas quæstiones mirabili methodo explicat, & enodat; Si sedet animo, hinc opperiāmur, aut potiùs occurramus, ne per diuerticulum ad Hortos suos declinet, quos impensè colit. Te saluere iubemus scitissime Eudæmon, & euexiam, bonamque corporis habitudinem gratulamur. At videris nobis aliquid studiosè mullare, & intus premere, quod si res est, è vestigio videbis abitum, si fastidis anibitum. E V D. Egò? Non sum elegantissimi Iuuenes ad eò morosus, ut auspiciatissimū hunc occursum non agnoscam, imò vestra hac festiuitate vehementer gaudeo, nec putetis, me difficile quippiam, aut molestum animo agitare, quin iocunda quadam de febre cogitatione detinebar. PHIL. De febre? E V D. Imò inquam. PHIL. Quam opportunè te ipsum offendimus. E V D. Cui ita? PHIL. Non ita pridem nos quoque febris exercuit, nec tamen febris habebat. E V D. Vah. PHIL. Pyrimacus cœperat dudum mecum cauillari, & arguari, deque febris natura non pauca interposuit obscurissima, quæ me transuersum agunt, ni suppetias feras, & peplum detegas Isis. E V D. Irac in Scirpo-nodum quæritis? Bona dubitatio ingenium dubitantis acuir quidem, sed pletumque friuola, & absurda à recto tramite seuocant. Non inuitis tamen vestris interero dissertationibus, & vbi fuerit opus, etiam sequester ibo. PHIL. Condicto nos beasti. Age ergo Pyrimace pedem conferamus, & inuocato diuino Numine à febris definitione auspiciū ducamus Platonis præcepto moniti.

*Da facilem cursum, nostrisque illabere votis*

*Omnipotens Pater, & dirige mentis opus.*

*In Timæe.* Febtis πυρετος, & πυρεζια Græcis dicitur, Hipp. πυρ. Nonnulli à februo, siue à seruore dictam volunt, quippe laborantes feruore quodam æstuant. Hinc Galenus comm. in lib. de Morb. vulg. ignem appellat, & Plato ignis excessu agrotare animal scripsit. Definitur modò calida cordis, & totius corporis intemperies, modò calor præter naturam auctus actionem cordis (physicam, non hehthicam) lædens, modò calida, & sicca totius corporis passio. Auicennæ calor extraneus accensus in corde, & procedens ab eo per venas, & arterias in totum corpus actiones in primis offendens dicitur. Auic. ad exercitationem potiùs, quàm ad habitum collineans efficientem causam, quæ magis ex vsu est, Galenus formalem finitione prodidit. Vtriusque nexu, & copulatione numeris omnibus absolutam definitionem exprimes. Febri est calida totius corporis intemperies ob calorem extraneum accensum in corde, & procedentem

dentem ab eo per venas, & arterias in totum corpus, vt inde vniuersæ naturæ functiones interceptantur. Frustrâ quidam laborant, vt adiciant excedentem intemperiem, nam simulatque actio lædatur, excessus, & immodestia intemperiei arguitur. Caterùm illa febris definitio mihi intolerabilis videtur, quæ naturæ caliditatis conuersionem esse statuit ad igneam, febris enim, si affectus constans est, & permanens, (alioquin & ira febris esset, vtpotè quæ feruor sanguinis est circa cor) si est confecta aliosis, quæ naturalia munera lædit veluti hostis infestissimus, qui motu ritè definitis?

*Dubium.*

EVD. Non abs re tibi scrupulum iniecit ea febris definitio, quæ alios quoque transuersos egit, & in Gal. iniuriosos; Scias tamen esse quædam nomina, quæ in Peripatetica schola peræquè motum, & consequentem affectionem significant, vt nigratio, quæ simul denigrandi exercitium, appictamque nigritudinem insinuat, atque eo ferè modo se habet conuersio. Vis Arist. auctoritatem? Ille vi. lib. Physicæ scripsit, in motu semper esse aliquid iam motum, & aliquid, quod mouetur. Præterea Gal. sese clariùs explicans prodidit, feb. non esse conuersionis motum, sed affectum, qui conuersionem sequitur. Id quod maximè consentaneum est, cum enim feb. vires suas explicet in atri perniciem, affectio sit, oportet, constans, & absoluta, adeò vt subiectum formet, quas energias ante comparatum suæ perfectionis terminū nulla qualitas edere potest.

*Solutio.*

*1. Aph. comm. xvij.*

PHIL. Si Galenus, ita voluit, non est quodd quipsiam contumeliosus exprobrat. Verùm mi Eudemone cum citra controuersiam sub alieni caloris genere febris contineatur, ea me ex ambiguo angit controuersia, num calor iste alius sit à naturali, an verò magis innatus calor sit omnifariam in febrem conuersus, adeò vt feb. sit vniuersus calor in febriente repertus. EVD. Fernelijs, qui diuinum calorem nostri opificem, & seruatozem profiteretur, quique plures admittit calores specie, atque adeò viribus differentes, isthæc nullum facerent negotium, ille enim præter insitum, & influentem calorem alium præter naturam constituit triplici ordine distinctum, quendam simplicis caloris exuperantiam vocat hinc genitam, quod calor elementarius assiduo incremento de mediocritate decedens plus nimio exorbitet, & qui naturalis fuerat, sensum non naturalis euadit, vitiosus proin, & naturæ insensus; alium ex putrescente materia progeneratum, qui quoniam materiam, de qua prodijt, redoleat, naturæ grauis est; tertium malignum, & perniciosum, quem pestilens, venenataque colluies fudit, non qualitatibus excessu, non putredine, sed totius substantiæ dissidio vitali, insitoque calori aduersum. Nos tamen (misso tantisper Fernelio) scimus, sciscimusque vnicum esse calorem non omnino abalienatum, namque, si ita fiat, nulla obici possit naturalis functio, quin febris omnis esset hectica, nulla, schetica; quod dictu nefas esse putamus, quum illud pro comperto sit, dari putridam febrem, eamque frequentius etiam, quàm par sit, humanam coquere, & torquere naturam, hæc verò ita se habet, vt licet quippiam effectum extet,

*Dubium.*

*Jacobus Ferliuensis. Hugo. Fernelij opinio.*

*August. 1. 1. 1.*



continenter tamen creationē subeat, & constiat, quum ab intestina pendeat putrefactione. Neque credere dignum est, naturalē calorem funditus summotum, quoniā febris ratio in extemo illo termino spectari non debet, qui naturalem omnem expungat tonum; si quidem in alteratione bipartitō. tetminus accipi consuevit, nimirum, & pro extrema, completaque dispositione ad introducendam, hospitandamque speciem, atque pro ea qualitate, quæ actione, motuque comparata absente etiamnum motore superstes permanet, quo modo hic accipi volumus. Quamobrem non inscitē termino definitur febris. P Y R. Pectus mihi plurimis difficultatū fluctibus inæstuat Eudæmon, & mecum agi pessimē sentio; ni expectorem, quod infestat, & laceffit. E V D. Per me tibi perquam integrum est. P Y R. Si febris per terminum finiat, numquam ad naturalem statum possēt reduci; quoniam ut est in ore Philosophorum, à priuatione ad habitū non datur reditus: Adhæc omnis feb. esset hectica, scripsit enim Galenus lib. de inæquali intemperie huiusce conuersionis terminum esse hecticam. E V D. Arguē me herclē obijcis Pyrimace, non est tamen arduum illud euadere; & obiecta diluere. Proin licet feb. per terminum definiatur, ne putes tamen, nos extremum illum audiuisse, qui naturalem temperationem profus expungit, exturbatue, terminus enim, ad quem extraneus calor peruenit, ut morbi rationem subeat, duplex est, inæqualis scilicet, ut in putridis febribus, & æqualis ut in hecticis, qui à nulla causa pendet. P H I L. Euentus ita esse demonstrat, verūm quid dices de hectica? E V D. Galenus Feb. hecticarum tria nobis discrimina ponit, prout vel rōscida substantia, vel carnea, vel fibrosa incaleuit. In febre itaque hectica primæ speciei rōrida humiditas habet calorem mutatum, at non penitus, quare cum actiones prodeant à parte solida, & seminali, fit, ut functio seuari possit. In marasmo vero ait Gal. lib. 1. de temper. cap. 3. intemperies aut est exigua, aut mediocris, aut summa, illa potest tandem restitui, hæc minimē. P H I L. Difficillima sunt hæc profecto Eudæmon, ve nonnulli cō absurditatis peruenerint, ut existimarint, feb. nil esse aliud, quàm quippiam innato calori appensum, insertumque; eū interim insitus calor nihilo fiat intentior. E V D. Hic mihi trifor- mis in mentem venit opinio, sunt enim, qui velint calorem naturalem igneum fieri maioris ariditatis (est enim lima caloris) seu cuiusvis putridæ, & acris qualitatis accessū: Sunt, qui credant, calorem pyroticum reddi haud geminato caloris gradu, sed vetita cordis ventilatione: Sunt denique, qui affirmare non verentur, febrilem calorem esse aduentitium, atque aliunde corrogatum; à quo insitus calor minimē afficiatur, cum interim astrictas actiones vitiet, quas domesticus, innatusque uetetur. P H I L. Mirum, cum res vna sit, veritas vna, cur tam multæ de eadem re sententiæ habeantur: Verū Eudæmon rem acu tangas, nosque ab hisce tricis expedias. E V D. Non possum pro dignitate rei dilucidē ad solutionem progredi, ni viam mihi quodammodo sternam præfatis calorū discrimi-  
minibus.

*Terminus in  
alio si bifariā  
accipitur.*

*Dubium.  
Trisianus.*

*Aug. 18.*

*Duplex termi-  
nus.*

*Gal. lib. de in-  
aquali intēp.*

*Dubium de  
Hect.*

*Lib. 1. de diff.  
feb. cap. 9.*

*Dubium Gen-  
tilis.*

*Triplex opinio.*

*Gentilis sen-  
tentia.*



minibus. Alta igitur mente tenendum, triplicem nobis calorem reponi, nempe elementarem, vitalem, & celestem, qui calores specie non discernuntur, vni enim frigori vnum duntaxat speciem contrarium esse debet. Enimvero elementaris caloris forma potestate, & efficit ignis opus. Naturalis verò, quod à virali virtute regitur, ad munera vitæ consentanea. Cælestis denique prout Cælorum motu, atque vigore peritus opus edit analogia, & specie celestibus aptum; quæ ratione proditum fuit, in semine spiritum inesse, à quo fecunda fiunt, in spiritu verò calorem, qui non est ignis, nec ab igne originem ducit, sed virtus, quæ proportionē respondet elemento stellarum. Quibus sanè conficitur, vt vnus specie numeroque calor varias subeat conditiones, munerumque discrimina proferat, prout vni propius, quàm alteri formæ accedit, & seruit. Nam, exempli loco, si graduum ordinem naturalis calor excedat aut formæ multitudine, aut extrinsecus accedente putrida, venenataque fuligine (quomodo feb. putridas perpetuo consari existimant quidam), elementaris fiet, & mancipabitur igni, quod si hæc eadem dispereant, & euanescent in auras, & modestiam in dipiscatur, naturæ ancillabitur ipsi, & vitalium functionum beneficis minister euadet: Namque licet calor ignis sit peculiate organum, per quod agit, mixtorum nihilominus, animantiumque accommodatum instrumentum euadit, quæ crasim tenuis, & modestiam ex contrariorum congressu nactus sese rei genitæ formæ accommodat, & opera obit proficua, conuenientiaque naturæ viuentium; ad similes enim æthereo censetur, qui mixtionem, generationemque perpetuo machinatur. Quod si ab ea mediocritate recedat ad igneam conditionem, omnia demoliri, ac perturbare conatur perinde, ac Paterfamilias, qui dum sibi constat, domum, rotamque æconomicam reu prudenter disponit, ac moderatur, sin forè à se abeat, omnia susque deque agit, perturbaturque, & non modò omnia ruere ad interitum sinit, sed etiam ruinæ auctor perhibetur. His, si me fallunt omnia, constat potest, quàm benè prior opinio sentiat.

At verò, qui arbitrantur febrem à naturalibus principiis promanare hæud ingeminato caloris gradu, verum prohibentis absentia, ne calor cordis vim exerat insitam. h. e. verita cordis ventilatione (volunt enim cor præ cæteris visceribus esse calidissimum, & iugis refrigerij indigum, quo si fraudetur, naturam explicat vim, & febrem excitat) manifesto errore laborat, nam quis asseuerare ausit, cor naturæ calidissimum perpetuo vsti aginum, putriumque fuliginum impulsu ictum nullo caloris incremento affici, aut affligi, cum vel algidissima æstuose rei vicinia incalescant? Quantum in respirationis vsti dignoscendo caligent huius opinionis fautores, palam produnt, inspiratus enim aer ad aliquem natui caloris gradum remittendum hæud facit, sed ad eiusdem custodiam, quæ constare non posset ventilationis beneficio circumciso ob fuliginum necessarium prouentum, quæ foras spiratione exturbantur. Exemplo sit

7

*Calor triplex  
vt accipi de-  
beat.*

*Argent.*

*Pulchra com-  
paratio.*

*Refutatio.*

ignis

ignis materiatus, qui nisi liberè perfletur, suffocatur.

Postrema verò sententia, quæ tuetur, febrem calorem esse ascitum, innexumque naturali citra huius affectionem ullam, hosque calores specie dispecisci, atque discerni, ab illoque vitari naturæ munera, & officia, ab hoc propugnari, & protegi, admoto præfato caloris discerniculo mole sua ruit, calor enim a calore specie non distinguitur, nec discrepat, atque licet innati calidi substantia alterascatur, non tamen faceffit in aliam, quin superest principium, cuius beneficio febricitans in pristinam reducitur naturam.

*Dubia.* PYR. Difficultatum materia vsque adeò increbuit, ut turgeat, & nisi citò euacuetur, obruat: Ignosce igitur si remeligo sum, & interpellator. Si vnus causæ vnicus est effectus, geminos subesse in febriente calores, necessum est, est enim, qui demoliri, est qui rueri conatur naturæ ministeria. Ad hæc actio inter contraria committitur, quare cum calor febrilis in naturalem agatur, specie distinguatur oportet, atque adeò duos esse calores. Hoc idem ex prædijis licet colligere, quum in febre alienum calorem extinguere, & natium roborare consilium sit. Neque ab hac sententia recessit Pergamenus, qui in Aph. scripsit, natium calorem estate esse perexiguum, ascitrium plurimum, hyeme à contrario. Præterea pus fieri à mixto calore asserere non dubitauit, nempe à naturali, & non naturali, & meritò quidē, pus enim confici sine calore putrido nequit, cuius est corrumpere, at verò eius vis cohibetur à naturali, cuius est concoquere, & cogere similia, hinc medium opus, ne pus efficitur. Neque omnino de genere febris cōstare videtur, namque si accessio sit febris particula, eadem verò sit partis, & totius ratio, palam est, quin calor febrem perpetuò constituat, namque videre licet ingruente paroxysmo aliquando tanto horrore, & frigore inalgescere febricitantes, ut vix instratis peristomatibus, admotis titionibus, aut thermoclinijs rigor vrgeatur. Adhuc pulsus rari, & tardi soboles sunt agentis frigidi, atqui in febre syncopali huiusmodi comperiuntur, ut testatur Auic., unde colligere est, febrem non esse affectum calidum, quod quidem vel ex eo confirmatur, quod morientes frigidum expirant.

*Solutiones.* E V D. Hæc, quæ obrudis argumenta, si superficie tenus spectentur, magnum vitæ incutiant timorem, at si penitus inspicias, huius sunt habenda. Quamobrem ira habeas primò, vnus quidem causæ naturalis vnicum esse effectum, at si hæc eadem diuerso modo afficiatur, nihil obstat, quin aduersantia obire possit, cum verò naturalis calor in febricitante variè afficiatur, quid mirum, se oppositis muneribus perfungatur? Dein scias, calorem febrilem non agere in naturalem, sed in materias suppositas, quibus euictis calor euanescit. Præterea ut calor febrilis excessu quodam consistat, ita caloris hyperbolem obtundentia postulat, at naturalis calor blandus, atque in ærea, & halituosa materia consistens non refrigerantia, sed roborantia desiderat, quæ naturale remperamentum tueantur, & spiritus cohibeant, ne dissipant.

Por-

Porro æstuanſe cælo nobis plurimum aſcitiſſi, minimum natuſi  
caloris inefſe, ita audiendum eſt, & eſſe ſum innatum, id eſt ſubſtan-  
tia, cui calor ipſe inheret, nempe ſpiritus, & ſanguis paucus ſit eſta-  
te, iſque acris, & biliuſus. Poſtremo mixtus calor à Gal. dicitur, quòd  
mixtas vires ex hibeat, nam quòd in phlegmone ſanguis in pus ver-  
tatur, aliquid ſecundum naturam eſſe arguit, quòd verò materia  
euinci, & pròſus aſſimilari nequeat, iuſto intèntiorem calorem eſ-  
ſe oſtendit. De genere verò febr. quòd ſubijcis, non eſt, quòd plu-  
ribus redarguam, nam licèt accedente acceſſione vniuerſæ corporis  
partes peraq̃ue non caleſcant, ſat eſt, ſi cor, & proxima partes  
extraneo calore exurantur; Sunt, qui negent, tunc aſeſſe febrèm,  
quibus tamen non adſcribo. In febre verò ſyncopali huiuſmodi  
pulſus obſervantur non febris, ſed ſyncopes cauſſa. Atqui agentes  
animam frigidum reddunt anhelitum, quia calor in frigus degene-  
rauit. Sine, vt malunt quidam, quòd calor influens deficiat, & pul-  
mones ſint refrigerati.

non eſt  
eſt  
eſt

Fernelius.

PYR. Si calida totius corporis intèpeties eſt febris eſſentia (eſt  
enim vel Ariſt. teſte vniuerſalis morbus) qui Animal horreſcens  
frigore febricitat? Quod per eſſentiam in eſt, nullo tempore abeſſe  
poſteſt. PHIL. BAT. ST. Ni tibi proſatu interdicitur, non de-  
ſines hiſce tuis argutiolis totam diem inſumere, tanto contradicen-  
di genio exardeſcere videris. Caterùm tu Eudæmon iſthæc ceu  
teretiſmata neglige, & nos potiùs ad ſolidum veritatis veſugium  
fiſte. Eud. Faciam, neque vos pluribus morabor. Febris ex natui,  
& alieni caloris congteſſu, admiſſuraque, ceu ex poteſtate, & aq̃  
coaleſcit: Poteſtatem ſpectes, ſi ad inſiti caloris extra limites natu-  
ræ conſentaneos progreſſionem oculos dirigas, actum verò, ſi ad  
erumpentem ex graduum acceſſione, & appendiculis alienum ca-  
lorem collinees naturæ officia perturbantem, qui ſanè calor febris  
ratio dicitur. Ecce igitur, vt vnus, & idem calor diuerſo modo aſ-  
fectus cauſſæ diuerſæ rationem ſubit: Hinc Arabum argutiſſimus  
Auenthois ſcitè dixit, calorem febrilem, & natium iuxta radicem  
eundem eſſe, rationis diſcerniculo diſtingui. PYR. Eſto Eudæ-  
mon, vt ſi res habeat, illud tamen me præcipue coquit, & angit, qui  
fiat, vt calor febris ratio ſit, cum hæc morbus, ille neutiquam ſit.

ſeſt. Probl.  
ad.

Auſtoris ſen-  
tentia.

Dubium.

Accedit, inter morbum, & ſanitatē veluti inter æquale, & inæ-  
quale non interuenitè mediū, inter frigidum verò, & calidum ne-  
ceſſariò intercedere. EVD. Calor Pyrimace; quā calor eſt, ne-  
quaquam morbi nomine dignandus, maximè verò, quā calor præ-  
ter naturam eſt, ſeu maior, calida intemperies actionibus lædendis  
accommodata. Porro inter ſanitatē, & morbum nihil intercur-  
rere nouimus (ſi ægritudo ſumatur, vt quancumque temperationis  
inæqualitatē ſignificat, aut perturbationem, quæ ſolam æquali-  
tatis priuationem humanis corporibus adſerat, quod ſi pro certa  
quadam, & inſigni inæqualitate uſurpetur, ex qua magna actionū  
leſio ſequatur, non eſt media illa diſpoſitio à Medicorum ſcholis  
abdicanda) inter calidum verò, & frigidum intercedere, nemo eſt,

non eſt  
ad.

qui

qui nesciat, verum scias, neque inter naturalem, & non naturalem calorem quippiam ire medium. Quare apage, nec animum tanto conficias opere.

Illud interim, lectissimi iuvenes, non est prætereundum præter singulis partibus insitum, & à corde influentem calorem statui tertium ex ijs conflatum, atque completum, quem vulgo actualement vocant, commune totius naturæ organum. Proin cum febris communis sit affectus, non potest utique alteri calori tribui, quam explicato. Difformis enim est calor insitus pro partium, quas format, natura, influens verò varius est, & inconstans, at febris vniuscmodi, & immutabilis. Ad suscitandam verò febrem sufficit, ut calidum cordis innatum aliquatenus afficiatur, ut influenti communicetur affectio. Ne est, quodd quispiam argueretur, calorem hunc actualement eundem esse, qui innatus, & influens, nam præter propriam rationem, qua separatur ab alijs differentiam à perfectione petitam obtinet.

*Triplex in nobis calor.  
Ex Gal. lib. 3.  
simpl.*

*An siccitas feb. putridis sit essentialis.  
AUGU.*

PHIL. Ita esse consentaneum videtur: Verum illud superest discutiendum, nunquid siccitas febribus putridis sit essentialis, cum maxime dicat Hipp. uictum humidum febricitantibus omnibus convenire. Accedit Gal. auctoritas dicentis, feb. esse passionem calidam & siccam. EVD. Siccitas in feb. putridis caloris energiam sequitur, neque necessario comes it, fac. n. aliquem penes actuosas qualitates eucratio temperamento donatum, penes patheticas impendio humectum esse, si febre corripitur, tantum abest, ut nenolica ariditate laboret, ut à contrario potius habeat; quod autem uni est essentialiale, ne momento quidem temporis abest. Ceterum Hipp. uictum humidum febricitantibus præscripsit, quodd frigida discrimine non vacent, quodd obstruant, & humores crassesciant, quæ non efficiunt humida quæ ab imminente præcauent siccitate, & innatum rorem conservant, qua causa potissimum eam tulit sententiam Hipp. Neque Galenus aliter sensit, dum feb. calidum, & siccum affectum appellavit, nam etsi siccitas formam feb. non constituat, necessario tamen consequitur, dum calor humidum exhaurit, & popularur. Sunt etiam, qui Hipp. sententiam interpretentur de victu humido actu; 1. liquido; Hinc Hipp. curationem instituens, si febris subsit, convenire sorbitionem; ait, alioquin cibos crassiores exhibet. Neque illorum improbanda sententia, qui asserunt feb. bipartitò spectari posse, vel secundum formam, vel secundum læsionem, si forma consideretur affectus calidus, & siccus est, cum sit pura qualitas ignea, sin læsionem, semper feb. lædit secundum qualitatem calidam, eaque est ratio, quia forma febris superatur à materia, quæ cum humida sit, potius lædit secundum humiditatem, quam secus, quodd cum advertisset Philosophus 9. sect. Probl. dixit feb. esse affectum calidum, & humidum. PHIL. Hæc ceu Pythagoræ edicta accipimus Eudæmon, & tuæ applaudimus sententiæ, quæ inter plūrimas mihi videtur probabilior. Proximum est, ut Puer, qui hæc tuus ueluti Piscis obmutuit, arteptis fidibus ca-

*Mercurialis.*

*AUGU.*

nat, & fessos longa disputatione animos relaxet.

*Tristis Enos vigili correptus amore Pyrines*

*Haustram oculis semel effugiam, speciemque decoram*

*Exnuas animo voluens noctesque, diesque*

*Exigit, & doctæ resonant per tesqua Pyrinen*

*Sylva, aded infelix perit, & tabescit amore,*

*Ossa vi denudet macies, & pallidat abies*

*Consciat. Tamen illa cauo circum obsita Quercu*

*Ridet, & insano fallax illudit Amanti,*

*Et sanna, probrisque insultat, deinde minatur.*

*Quæ te dementat miserum vesana cupido?*

*Cede, procul, similemque tui disquire per umbras,*

*Cede, nec his lucis posthac vestigia figas.*

*Hinc feriunt miseri nota præcordia voces,*

*Et cupidum fallunt, rapiuntque ex pectore questus.*

*Cumque nihil videat, se credit imagine ludi,*

*Et timet, & dolet, atque atras sectatur inaneis.*

*At verd incautum Iuuenem miseratus Apollo*

*Robora disiecto penitus latitantia pandit*

*Membra, atque exposuit nudatos Virginis artus,*

*Et placuit crudeles fraude rependere fraudes.*

*Obrigit nonitate rei percussa Pyrine*

*Nequicquam cryptas quærens, & lustra Ferarum,*

*Ac pudibunda solo vultus, & lumina fixit,*

*Multa animo voluens, tristi formidine pressa.*

*Excitus extemplo Iuuenis præsentibus actis*

*Constitit, insolitasque vices miratus, & asta*

*Obstupuit primùm, tum prospera fata secutus*

*Risit, & immensos nudæ iactauit amores.*

PHIL. Appositè Medius-fidius cecinit Puer. Verùm postquam animus recreatus est, lubet priorem disputationem resumere, & ad viniblicum perducere: Cum igitur genus febris satis constet, proximum est, vt præcipuum, & adequatum subiectum scrutemur. Neque enim delint difficultates propter opinionum discrimina. Difficultates auget Galenus, qui modò totum corpus, & Animal, modò præcipuas partes, modò cor feb. subiectum esse ait: Tuum mihi iudicium (quod de Platone dicebat Challimacus) erit instar omnium. E. V. D. Res profectò ardua, & multis difficultatum inuolucris obruta proponitur, quam nascio, an pro temporis angustia satis explicatè possim diluere: Ex Galenico tamen penu nonnulla dabimus prompta, quæ tuo sapiant palato. Aduertas igitur, & illud pro confesso habeas, contrariorum, præsertim priuantium, idem esse subiectum (quod nemini in Peripatetica Philosophia licet inficiari) atqui quum cor vitalis caloris fons sit, &

*Cor caloris  
præter naturā  
primum sub-  
iectum.*

*Capinae eius  
carpitur.  
Trineae illius.  
Mortuus.*

*Gustavimus  
resoluitur.*

*Lib. de sensu,  
& sensili.*

*Dubia.*

*Lib. 1. de  
Morb. vulg.*

*Ausur.*

origo, fateti necessum est, non-naturalis quoque esse. Neque illi sunt audiendi, qui existimant, cor quidem efficientis, totum verò corpus formalis causæ subiectum esse (calidum enim cordis innatum quippiam extra-viuentis particulæ constitutionem esse rentur, quum prius idem sit, quæ viuens pars, quod præclare quidam ex Hipp. & Gal. demonstrant) namque si propter cor cæteræ partes laborant, multò magis cor ipsum affici, necessum est, illud verò, per quod fit comparatio, utrique per formam conuenire, par est. Hoc sæpè nobis inculcauit Galenus, qui febrem nondum esse, ni calor præter naturam ad cor pertenerit, scriptis tradidit. Aliàs verò, non esse opus, ait, ut corpus vniuersum caleat, sed satis esse, si cor, & præcipuæ partes illi proximæ afficiantur. Nec est, cur geminum subiectum statuamus, ut quidam plus nimio fatagentes efficiunt, alterum quippè, quod calorem suscipiat igneum, alterum, quod læsis functionibus subijciatur. Calidum quidem innatum, inquit, febrilis caliditatis, quatenus passio est, quæ subiecto inhaerescit, cor verò, ut pars similis subiectum est, prout febrilis calor spectatur, eui habitus, & dispositio, atque adeò subiectum ipsum afficit, & eius interpellat, actiones. Non est, inquam, nam calidum innatum idem esse volumus, quæ pars. Simili errore tenentur & illi, qui spiritus, & humores subiectum esse volunt, nam licet calor illis inhaereat; nequaquam tamen subiecti rationem de more subeunt, cui tribui debeat passio, quum viuens duntaxat particula morbo subijci dicatur ab Aristotele. Propterea solida cordis substantia iusto debet esse calidior, ut melioris notæ Medici constituunt; & quamuis calor influens efformandæ febri non sufficiat, utpotè qui Promethei instar, varias, & multigenas subit mutationes, & perenni influxione gaudet, hinc tamen conflatus calor actualis, qui præter naturæ limites exorbitans febrem effingit, originem sumit.

P Y R. Quò magis docedo pergis Eudæmon, cò me dubiorum mole obruis amplius, & ni oneris aliquid in te deponi pateris, me supparem profiteor. Annuis? Sic igitur habeto. Gal. conceptis verbis ait, febrem nunquam fieri, ni totum corpus incalescat, quod & Arist. collineauit scribens. 1. sect. Probl. febrem esse calorem totius corporis excedentem. Ad hæc Galenus è subiectis substantiis constituens discrimina ait, esse partes ipsas solidas, humores, & palantes spiritus.

Et sanè ita prius esse consentaneum videtur, namque si febris actum ponit in calefacto, quo character definitur, sequitur, (si partes ipsæ solidæ in omni febre incaluerit) ut vniuersæ febres sint heclicæ, quod atòpis cunctis absurdius extat. E V D. Siccine supercilium adductis, & te mihi præbes vultuosum? Explicata iam fronte, & deposito hoc malo genio patientem te mihi dede, & audi. Cordis calor (veluti solis radij in vniuersum effunduntur) necessaria quadam emanatione in totum Animantis corpus, (ni præpediatur) panditur, quare non est mirum, si præter modum calefacto

. prin-



principio, & subditæ partes consortes fiant. Propterea pruden-  
ter quidam duplex statuere subiectum præcipuum, & adæ-  
quatum, illud cor esse volunt, hoc corpus vniuersum. Hinc Per-  
gamenus lib. de marasmo inquit, fieri non posse, vt totum corpus  
calida præsertim intemperie afficiatur, quin cor prius affectum fue-  
rit, vnde cor primum, subinde totum corpus febri subici colligi-  
tur. Ad spiritus, & humores quod attinet, si audiantur, qui cordis  
calidum innatum constituunt, (est enim spiritalis, humida, & soli-  
da substantiæ nexus quidam, & complexio) febris esse subiectum  
ex animi sententia damus, at si vagantes, & venis coerciti intelli-  
gantur, hos modò efficientis, neutiquam formalis causæ subiecta  
vocalamus, sola enim viuens pars ægitudini est opportuna, (ni quis-  
piam cum Auic. malit humores remotionem morbi subiectum appel-  
lare.) Nec est, quòd subinferatur, fore, vt vniuersæ febres sint hec-  
ticæ; nam in putridis, & ephemeris solida partes in habitudine, non  
in habitu contraxere calorem, tripartitò enim febrilis calor emicat,  
alius quippe efficitur, & à causâ præsentè fouetur, quæ ablata eua-  
nescit in auras, alijs prorsus effectus est, habitumque contraxit,  
quem nulla causâ præsens sustentat, alijs porò medijs in, & seque-  
ster, qui partim consistit, partim efficitur. Neque illud prætereun-  
dum, febrilem calorem à iugi caloris effluuiò e corde foueri, pro-  
pterea in Lypiria extremis rigentibus particulis intima flagrantia  
torrentur, quòd scilicet propter obices calor influens ad externa se  
se explicare non valeat; cordis tamen thermalia non augeat, at, mo-  
dò fouet, incubatque, putrescentis verò humoris perniciēs non  
solum seruat, verùm etiam febrilem conduplicat calorem, & hac  
de causâ in hecticis calor vniùsmodi percipitur, quòd non subsint  
humores, quibus putrentibus calor inualescat.

PHIL. Tamen si plurimà superesse compertum est, quæ in hac  
reim possent induci, nihil tamen opus esse video, vt frustra tempus  
insumamus, cum eodè ferè res incidat. Carterum ad febrium dif-  
ferentias pergendum esse videtur, vt hæc absoluta sit dissertatio: Ear-  
verò mihi præcipuè videntur, quæ ex rei diuidendæ substantia,  
nempe ex calore sumuntur, cum verò, calor spectetur, prout vel est  
in habitu, vel in habitudine, pro varia, inhaerendi ratione fit fe-  
brium in hecticas, & septicæ primùm diuortium. Calor verò spe-  
ctata natura semper eodè se habet modo, non item si existen-  
tiam consideres, quin varias subit rationes, quum accideris esse fit  
inesse, vt scribitur vij. Metaphysic. n. proin iuxta subiecti diuersi-  
tatem, varias, & vñades diaphoras subire dicitur: Calor igitur præ-  
ter naturam accensus in spiritibus, humoribus, aut, solidis partibus  
innato substantiæ cordis calido impertitus febrem sui generis ex-  
citât. EVD. Hipp. feb. diuiscrimina à tribus fontibus haurit, nempe à  
caloris modo, siquidem aliæ mites, aliæ mordaces manui, aliæ ve-  
rò primùm suaves, subinde insurgentes: A caloris motu, aliæ enim  
ardentes, & acutæ, aliæ debiles, & lentæ: Postremum à materia, in  
qua insensus calor succenditur, scilicet à spiritibus, humoribus, vel

Saxonia lib. de  
Feb.

Duplex sub-  
iectum prin-  
cipis, & adæ-  
quatum.

Non potest to-  
tū corpus ca-  
lida intemperie  
laborare, quin  
cor afficiatur.

Vall. feb. illa  
diuisio, ait  
lib. 5. centr.

cap xix. non  
est per subie-  
cta corpora la-  
ta sed p caus-  
as internas

potius, & c.  
Lib. 1. F. 1.

c. de Hum. or.

Triplex calo-  
ris modus in  
feb.

Feb. vñades  
diuiscrim.



solida cordis substantia, hinc diarræ, putres, & hecica suam ducunt originem, atque hæc porissima, & substantialis est feb. differentia:

*Dubia.*

PYR. Proh Deum fidē, quā multa Eudæmon copie sese militi offerunt, quæ tuam prosternant, & præterant sententiam, ni venias obuiam multa ratione munitus, & cataphractus. Ausculta: Si contrariorum eadem est ratio, & sanitas nullam possidet speciem subditam, qui possit habere febris, quæ morbus est? Sanitatem, constat, nullam habere, quum sit inedium, quod teste Platone in Conuiuio vnicum duntaxat existit. Ad hæc calor, qui febris ratio statuitur, vltima species est, quare in alias non est scetilis. Amplius intensio, & remissio vt speciem non diuiat, ita differentias substantiales constituere nequit. Deū si ex subiecti disparitate calor diuersas nancisceretur species, illud absurditatis accideret, albedinem scilicet in diuersis subiectis diuersam rationem formalem indipsi, quod distinesas est? Neque enim ratio specifica essentia à subiectis, sed à formis petitur, quare mi Eudæmon toto aberas cælo. EVD. Faciam quamprimum, vt paly nodiam canas Pyrimace, & in sanio rem venias sententiam, cum leuioia sint argumenta, quā vt sanctam veritatem queant conuellere. Visum est autem singulis argutiolis eo ordine, quo obiecta sunt, respondere. Aures igitur attrigas, & mentem diligenter intendas. Medium apud Medicæ artis Proceres in puncto, & momento non consistit, sed latitudine quadam gaudet, adhæc vt mediocritas ex integra causa constatur, ita incongruum ex multiplici, & multiformi constituitur, ad peccandum enim plurimæ patent viæ. Secundo loco responsum oportet, calorem, prout est qualitas tertiæ speciei, locari sub vltima specie, neque in alias dirimi posse, at si spectetur vt calor noxius, siue potius vt intemperies calida perpetam subiectum disponens, adeo vt morbi rationem subeat, in varias differentias diffundi potest. Præterea remissus, aut intensus calor haud speciem mutat, calor autem præter naturam ita affectus nūtat. Renuis? Esto, vt quispiam calore præter naturam corripatur, febris tamen non erumpat, simulatque binos adieceris gradus, febris foras exiliat, & se se in medium proferet. Porro, vt ad aliud argumentum me conferam, calor in Medicorum scholis præcisè non accipitur, verum vt præter naturam est, & exorbitans, quo modo spectatus à diuersitate subiectorum formalem differentiam sortitur, prout vario existit modo. Supremo argumento ea porissimum ratione itur obuiam, quod allata de albedine comparatio, atque similitudo nihil conficiat, quum vtrobique adæquatum coloris subiectum sit superficies. Confectum igitur sit, vt præcipua febrium discrimina à subiectis, quibus calor præter naturam inhaeret, maxime petantur. Cæterum illud inter Gal. & Neotericos interesse videtur, quod ille differentias ab ijs repetit, quæ corpus ambiunt, isti vero à spiritibus, & humoribus, & solidis partibus, quæ cordis substantiam constituant, siquidem differentia substantia à dirimenda rei natura

crui

*Quid intersit  
inter Gal. &  
Mercurium.*

etui debent, res autem diuidenda innatum calidum est, quatenus constat ex spiritali, humida; & solida substantia. Atqui cum contrariorum eadem sit ratio, trinaque illa substantia innatum calidum conficiat, necessum est, ut & ad conflandum calorem præter naturam conueniat. Quate si spiritalis cordis substantia succendatur (quod exempli loco dictum sit) errantibus inflammatis spiritibus ephemera superueniet. Humores verò venis cohibiti aut palantes spiritus, si forte incallescunt, causæ rationem inducunt, haud denominati subiecti, quum minime viuunt, ut partes, quarum ea est definitio, ut sint corpora toti coherentia, communique vita coniuncta ad illius functionem, vsumque comparata, quo numero nec humores, nec spiritus censi possunt.

PHIL. Sapienter quantum ipse intelligo, disputationem de febre ad vmbilicum adduxisti, superesse nunc videtur. Eudæmon, ut causas morbifici huius caloris paucis perstringas. EVD. Non possum, quin tua vota secundem, tamen si Sol proximè occisum esse videtur? Aucti caloris à Græcis, & Arabibus quinque præcipue causæ censentur, (quas nonnulli ad quatuor summa capita reducunt, nempe ad admotas, sumptas, agendas, educendas.) Sunt autem Motus, rei calidæ vicininitas, constructio, cibibus, potusue calidior, putredo. quæ his modis comprehenduntur.

*Quinque auct.  
caloris causa.*

*Censentur causæ morbificæ quinque caloris.*

*Ignæ res propior, putredo, Epulaque calentes,*

*Syrrhis, & insuetis uehemens labor excitus horis.*

PHIL. sic profecto causæ in numerato magis subsunt ijs, qui numerosa oratione delectantur, vna scilicet syllaba reliquas in mentem reuocat, quo fundamento innititur Ars notoria. Verum mi Eudæmon cogor tua abiit humanitate, ut mihi vnum hunc scrupulum eximas, qui me nocturne, diuque coquit. Qui fiat in nobis putredo? Nam siue mutatio sit substantiæ putrescentis ad corruptelam, ut voluit Galenus, siue interitus proprii, & innati caloris in vno quoque humido, quæ putrescant sanè, propriam amittunt formam, & desinunt in fimum, nihil tamen in nobis tale fieri contingit, ut est videre. EVD. Quæ in humoribus celebratur putredo siue propter obstructiones, siue ob alias causas, non est similis naturali mixtorum putredini, quæ per dissolutionem humidi à sicco tandem in terram degenerant, sed similis est vino fugienti, quod in Acetum desciscit, deficitque, & hæc putredo ab Arist. vocatur secundum partem, in qua specifica duntaxat forma corrumpitur, & deterior sufficitur. Neque illorum audienda sententia, qui humorum putredinem nihil esse aliud existimant, quam recessum à sibi debita temperie, non sunt, inquam, audiendi, nam vel Galeno teste in venis putrescentibus succis aliquid pyodes gignitur, puri analogia respondens, quod cineres appellat Arabum familia, id quod Hercle non contingeret, ni substantia uerò fieret mutatio. Hanc putredinem nonnulli præter naturam vocant, ad-

*Quid putredo.  
Lib. xi. meth.  
med.  
Lib. 4. Meteor.*

*Qualis putredo in humoribus fiat per se.*

*4. Meteor.  
Mercenarius  
refellitur.*

*Saxonia.*

dunt.

duntque tripartitò committi ex Galeni doctrina lib. I. de diff. feb. primò superante natura, in qua humor amittit quidem specificam formam, calor tamen naturalis id agit coquendo, ne corpori deinceps possit esse noxius, quod abscessuum exemplo patet: Deinde sit putredo victa penitus natura, in qua vitalis calor superatur, id quod tum propter materię perniciem, tum propter venarum, arteriarumque imbecillitatem accedit, quò sit, vt plurimum officiat humor. Denique quædam visitur putredo, in qua nec omninò euincitur natura, nec prorsus hostem proterit, sed mixtū quippiam est cernere, quod neutram vim redolet. Mitto illorum inanem futilitatem, qui humores non putrescere, sed duntaxat exardescere in animum induxerunt. Mitto nec minùs illorum sententiam, qui febres syncrissi, & temperatione soluta committi rato animo credunt, dum humores synceritatem nacti integritati suę restituantur & in genuinam libertatem asseruntur; Non me latet quasdam febres artis vsu reponi, quas sanguinis, aut bilis feruor peperit, quæ quoniam naturalem diem excedunt, non diaria nomine donandæ sunt, sed mediæ inter putridas, & ephemeras, excurrunt: Hic nulla pulsus subest inæqualitas, nulla caloris acrimonia, sed solum vtriusque incrementum.

Verum egregij Iuuenes Vesper admonet, vt receptui canamus, & ad ædes pedem referamus, quando satis Mineruæ litatum est. PHIL. Nos comi viro comites præbemus, vt grati animi symbolum exprimamus, beneficia enim in nos collata verbis rependi nequeunt. EVD. Id agite, ne vobis molestia sit humanissimum hocce obsequium, cui non renitat, ne ab hac gratissima comitate abhorreere videar. PYR. Studiosos viros tam impensè diligo, & colo, vt si liceret, nunquam paterer reuelli. Verum lepidissime Eudæmon inter ambulandum aliquod curanda feb. putridæ exemplum ob oculos nobis pone, ne tantillum hoc temporis infugiferum nobis sit.

EVD. Vt vobis morem geram, obiter faciam. Spectanda igitur feb. idea, magnitudo, motus, mores, & per collecta signa singula sunt definienda. Cognita feb. specie per singulas causas instituta methodus est, quæ & morbum, & præcipuè vires, respiciat; Dein ferenda prognosis, ne inconsultò quippiam eueniat: Nemini ea ratione institui debet curatio, vt primum vnamquamquæ causam rescindat, dein ad eam, quæ facta est, discrasiam perueniat: Enimvero in regimine curatio, ait Rhafius I. cont. in primis causa inuestigari debet, qua cognita cura est abscessio eius. Scire tamen decet, nonnisi quædam esse feb. acrimonia, vt posthabita causa Medicus cogatur refrigerantia adhibere ad feb. vehementiam obtundendam, ne de medio tollatur æger. Porro, bellè docet Gal. feb. putridarum curationem, nempe putridam materiam euacuare, & reliquam concoquere. Verum quum cōfessio perfectio quædam sit humidi à calore proprio, & naturali, scilicet definitio, & determinatio quædam cum

cum sicco: siue assimilatio, quæ rebus coctilibus inditur ab altera-  
trice caloris naturalis beneficio, fit, vt ad duo potissimum mentis  
acies sit dirigenda, videlicet ad efficientem, & ad obiectum: Effi-  
ciens, saltem machinalis, est calor, qui debet esse proprius h. e.  
symmetrus, & moderatus, proin eius excessus erit infringendus, &  
moderatio quærenda cum posituiis, tum priuantibus contrarijs,  
quæ refrigerent; Obiectum verò, nempe materia coquenda æuari  
debet, ait Auic. ne coquenti calori resistat, quare si copia peccet,  
minuenda pharmaco leniente, si qualitate prima, aut secunda, aut  
tertia sit noxia, per contrarium corrigenda, quare modo calfacien-  
dum, & siccandum, vt in pituitosa, modò refrigerandum, & hume-  
ctandum, vt in biliosa, modò extenuare expedit, aut quadamtenus  
crassescere. Denique si totius substantiæ dissidio sit perniciofa,  
antipharmaca sunt vsurpanda, quæ vitalem vim roborent.

Hæc verò typo tenus dicta sunt: Quòd si Deus nostris aspiraue-  
rit conatibus, vestram non fraudabimus aliàs expectationem:

*Quare, dum meliora paro præcepta, valete.*

F I N I S.